

UNITED 4 FOOD

The impact of our daily food system into the 4 natural elements.

Mi smo 42 mlade osobe iz 34 države sa pet kontinenta. Mi posjedujemo širok spektar perspektiva: mi smo kuhari, farmeri, gastronomi, pravници, studenti i istraživači u ekološkim, prehrambenim i društvenim naukama, urbanom planiranju, ekonomiji, i komunikaciji. Mi dijelimo strast i brigu za naš sistem hrane. Svjesni smo potrebe za promjenom paradigme našeg sistema hrane, a ujedno smo i puni nade. Mi predlažemo rješenja koristeći se okvirom od pet elemenata:

VODA je zajednički i neobnovljivi resurs koji je svakodnevno suočen sa prijetnjama. Voda kao resurs mora biti zaštićena za buduće generacije bez ugrožavanja kvaliteta.

1. Osigurati ravnopravan pristup čistoj vodi kroz jačanje zajedničkog sistema upravljanja vodama bez spekulacije, finansijalizacije i komercijalizacije vodnih resursa.
2. Smanjiti upotrebu vode u sistemu hrane poboljšanjem efikasnosti sistema navodnjavanja i obrade.
3. Sprečavanje kontaminacije vode smanjenjem zagađenja uzrokovano poljoprivredom i industrijom.
4. Investiranje u inovativne prakse, kao što su sakupljanje kišnice i prečišćavanje otpadnih voda.
5. Osnažiti tzv. mali ribolov unutar zajednica i poboljšati ekološki odgovorne prakse u akvakulturi.

ZRAK je cirkulatorni sistem koji reguliše našu biosferu. Odgovorni smo za nepovratne promjene u našoj klimi. Moramo ublažiti naš utjecaj na zrak i prilagoditi se neminovnim promjenama za dobrobit budućih generacija.

1. Promoviranje poljoprivrednih praksi koje smanjuju emisiju i poboljšavaju kvalitet zraka.
2. Smanjenje stakleničkih gasova (GHG) u lancu snabdijevanja putem sistema praćenja i opozivanje emisije gasova.
3. Poticanje potrošača da smanje prekomjernu upotrebu mesa i povećaju potrošnju proizvoda biljnog porijekla.

ZEMLJA, živi organizam od kojeg rastemo je u opasnosti zbog naše tehnokratske kulture neograničenog razvoja, nemara i apatije. Kada sijemo otrov, mi žanjemo otrov. Moramo se uključiti u prirodni ciklus zemlje i hraniti tlo umjesto dosadašnjeg hranjenja isključivo zbog ostvarenja prinosa.

1. U gradovima ukazati na problem sigurnost hrane i zdravlja kroz promociju urbane poljoprivrede i modela zajedničke distribucije.
2. Jačanje urbano-ruralne veze kako bi se olakšao pristup tržištu i direktan kontakt između proizvođača i potrošača.
3. Olakšati zemljišne reforme u cilju stvaranja „fer“ sistema zakupa zemljišta i obezbjeđivanje pristupa zemljištu za male i mlade poljoprivrednike kao i tradicionalne i autohtone zajednice.
4. Kreiranje mehanizma politike zaštite plodne zemlje od urbanog širenja.
5. Unapređenje infrastrukture, promjena marketinga i potrošačke prakse u cilju smanjenja gubitka hrane i otpada u lancu snabdijevanja hranom.
6. Usvajanje najboljih upravljačkih praksi na razini farme, kako bi se obnovila i zaštitila plodnost zemljišta.



Together to share a new vision of our daily food system
in an urbanizing world



UNITED 4 FOOD

The impact of our daily food system into the 4 natural elements.

7. Poticanje organiziranja i razmjene znanja između poljoprivrednika u cilju jačanja i obnavljanja porodičnog gazdovanja.
8. Odgovorno investiranje u ruralni razvoj i omogućavanje lakšeg pristupa infrastrukturi, tehnologiji i obrazovanju.
9. Poticanje bioraznolikosti vrednujući lokalne biljne vrste, kontrolu i zaštitu autohtonih sjemena.

VATRA je izraz energije koja je podstakla rast i razvoj civilizacije. Energija se ne može stvoriti niti uništiti, ona se jedino može transformisati. Zbog toga moramo dati prioritet čistim, obnovljivim izvorima energije, te na odgovarajući način odgovorno upravljati sa njima u cilju „izliječenja“ našeg sistema hrane.

1. Prelazak na obnovljive izvore energije duž čitavog lanca snabdijevanja hranom.
2. Upravljanje i ušteda energije u proizvodnji hrane, skladištenju, distribuciji i sistemima upravljanja otpadom.
3. Poticati energetska efikasnost, lokalne i kratke lance snabdijevanja hranom i korištenje sezonske hrane.
4. Prepoznati ljudski rad kao vrijedan izvor energije u sistemu hrane.
5. Osigurati da proizvodnja biogoriva ne ugrožava sigurnost hrane.

PETI ELEMENT ujedinjuje sve ostale elemente i predstavlja hranu više nego gorivo ili zbir njenih sastojaka. To je pripadanje. To je zahvalnost. To je povezanost. Hrani ljudski duh i tijelo. Međutim, to je sastojak koji nedostaje u našem trenutnom sistemu hrane, te je sastavni dio novog sistema. Moramo izmijeniti, podržati naše vrijednosti i njegovati vezu između nas i ekosistema koja održava život na Zemlji.

1. Jesti sa zadovoljstvom i uživati u okusu hrane.
2. Osigurati kvalitet hrane, ljudska prava, „fer“ uvjete za rad kao i opće blagostanje ekosistema.
3. Poštivati kulturnu baštinu, tradiciju i prava koja se odnose na zemljište i hranu, inkorporirati tradicionalne i autohtone mudrosti u naš sistem hrane.
4. Poticati poštenje, svijest i empatiju prema zemljištu, vodi, zraku i hrani.
5. Izgraditi zajednicu dijeleći svoja znanja i iskustva o sistemu hrane.
6. Smatrati hranu „svetom“ i stubom suvereniteta hrane.

Mi vjerujemo da moramo rješavati uzroke globalnih problema u poljoprivredi i sistemu hrane, a ne rješavati simptome. Kratkoročno, moramo izmijeniti naš ekonomski sistem povećanjem transparentnosti i redefinisanjem mjera uspjeha od redukcionističkog do holističkog, od kvantiteta do kvaliteta, od rasta do stabilnosti i otpornosti. Dugoročno, treba nam sistemski socio-kulturni pomak od egocentrične etike, konkurencije i komercijalizacije do ekocentrične etike, saradnje i zajedništva. Ove promjene treba napraviti kroz jačanje suvereniteta hrane; poštivanje i integrisanje kulturne baštine i tradicionalnog ekološkog znanja; izmjene našeg obrazovnog i informacionog sistema; zahtjevanje međusektorskog pristupa kapitalu, uključujući spol, etničku pripadnost, socio-ekonomsku klasu, starost i sposobnost; decentralizaciju i



Together to share a new vision of our daily food system
in an urbanizing world



UNITED 4 FOOD

The impact of our daily food system into the 4 natural elements.

redistribuciju moći prema lokalnim zajednicama; i reformu političke vlasti kako bi se olakšale navedene promjene.

Ni jedno rješenje neće biti efikasno ako se implementira pojedinačno, ona se moraju primjeniti zajedno. Mi, mladi ljudi sa „Eating City Summer Campus 2015“ se vraćamo u naše države gdje ćemo angažujući se u našem sistemu hrane raditi na ostvarivanju gore navedenih ciljeva. Očekujemo da će ova rješenja biti implementirana u politici i vodilja donosiocima odluka na višim nivoima.

Mi pozivamo u akciju promjene paradigme našeg sistema hrane.

La Bergerie de Villarceaux, 19. avgust. 2015

Declaracija Villarceaux 2015 – Eating City Summer Campus - Ujedinjeni za hranu: Utjecaj našeg svakodnevnog sistema hrane na 4 prirodna elementa, prevedeno na bosanski jezik prema Anela Memić i Alen Mujčinović.



Together to share a new vision of our daily food system
in an urbanizing world

